



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br: 12/03, 34/03 i 65/13), čl. 11. i 13. Odluke o promjeni oblika organizovanja Javnog preduzeća „Centar za sport i rekreaciju“ Sarajevo u Javnu ustanovu – prečišćeni tekst ("Službene novine Kantona Sarajevo", br: 21/18 i 15/24) i člana 8. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", br: 50/17 i 51/23) Općinski načelnik raspisuje:

JAVNI OGLAS
za izbor i imenovanje predsjednika i članova Upravnog i Nadzornog odbora
Javne ustanove „Centar za sport i rekreaciju“ Sarajevo

I

1. U Upravni odbor Javne ustanove „Centar za sport i rekreaciju“ Sarajevo bira se:

- Predstavnik zaposlenika ustanove- jedan član
- predstavnici osnivača ustanove – dva člana

2. U Nadzorni odbor Javne ustanove „Centar za sport i rekreaciju“ Sarajevo bira se:

- Predstavnik zaposlenika ustanove- jedan član
- predstavnici osnivača ustanove – dva člana

II

OPIS POZICIJA:

- *Upravni odbor* donosi pravila Ustanove, imenuje i razrješava direktora, utvrđuje godišnji program rada i razvoja, donosi finansijski plan i usvaja godišnji obračun, donosi opće akte o unutrašnjoj organizaciji i sistematizaciji poslova i druge opće akte u skladu sa zakonom i pravilima Ustanova, odlučuje o svim pitanjima obavljanja djelatnosti radi kojih je Ustanova osnovana, ukoliko zakonom ta pitanja nisu u nadležnosti drugih organa Ustanova, usmjerava, kontroliše i ocjenjuje rad direktora, rješava sva pitanja odnosa sa osnivačem, odgovara osnivaču za rezultate rada Ustanove, odlučuje o korištenju sredstava preko iznosa utvrđenog pravilima Ustanove, odlučuje o prigovoru radnika na rješenja koje je donio drugi organ u skladu sa pravilima Ustanove, podnosi osnivaču najmanje jedanput godišnje pismeni izvještaj o poslovanju ustanove, vrši druge poslove u skladu sa zakonom i pravilima Ustanove.
- *Nadzorni odbor* analizira izvještaje o poslovanju ustanove, obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.

Mandat predsjednika i članova Upravnog i Nadzornog odbora je četiri godine uz mogućnost jednog reizbora.

III

Opći uslovi koje svaki kandidat treba da ispunjava su sljedeći:

- da je stariji od 18 godina;
- da je državljanin Bosne i Hercegovine;
- da nije otpušten iz radnog odnosa kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u Javnom oglasu;
- da se na tog kandidata ne odnosi član IX. tačka 1. Ustava Bosne i Hercegovine;
- da nije zaposlen na drugoj izbornoj poziciji u reguliranom organu, koja može uticati na eventualni sukob interesa;
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13).

Posebni uslovi koje svaki kandidat treba da ispunjava su sljedeći:

- da posjeduje najmanje visoku stručnu spremu;
- da ima najmanje tri godine radnog iskustva (poželjno u oblasti sporta);
- da nije direktor ustanove za čiji organ se kandiduje;
- da nema privatni - finansijski interes u organu za koji se kandiduje;
- da nije bliski srodnik u smislu sukoba interesa sa bilo kojim članom ili zaposlenikom u ustanovi za čiji organ se kandiduje;
- da nije općinski vijećnik/ca u mandatu.

Izuzetno, ukoliko se u reguliranom organu ne mogu obezbijediti kandidati, predstavnici zaposlenika koji ispunjavaju standarde oglasa u pogledu stručne spreme i radnog iskustva, na pozicije za koje se raspisuje javni oglas, mogu se izabrati kandidati koji posjeduju višu (VI stepen) ili srednju (IV stepen) stručnu spremu, te kandidati koji imaju najmanje jednu godinu radnog iskustva.

IV

POTREBNA DOKUMENTACIJA:

- Potpisan obrazac prijave na Javni oglas sa naznakom za koju poziciju iz Javnog oglasa se kandidat kandiduje
 - Uvjerenje o državljanstvu ne starije od šest mjeseci;
 - Diploma o stečenom visokom obrazovanju;
 - Dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO);
 - Uvjerenje da nije osuđivan za krivično djelo, odnosno prekršaj koj je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove *
 - Obrazac za pitanja o sukobu interesa;
 - Izjava;
- (kopije dokumenata moraju biti ovjerene).

*Kandidat nije dužan dostaviti uz prijavu uvjerenje da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove i uvjerenje da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove, već dokaze o ispunjavanju navedenih uslova, za najuspješnije kandidate, nakon zahtjeva Komisije za izbor pribavlja služba nadležna za poslove iz oblasti kulture i sporta, a u skladu sa pravilima krivičnog i prekršajnog postupka.

Izjavu, Obrazac prijave za članove Upravnog i Nadzornog odbora, Obrazac za pitanja o sukobu interesa mogu se lično preuzeti na Info-pultu u Općini Centar Sarajevo ili sa WEB-stranice Općine:

www.centar.ba

Dokumentaciju dostaviti lično ili poslati preporučeno poštom na adresu:

**Općina Centar Sarajevo, Mis Irbina broj 1.
Služba za obrazovanje, društvene djelatnosti, kulturu i sport
sa naznakom: „Prijava na Javni oglas za izbor i imenovanje predsjednika i članova
Upravnog i Nadzornog odbora Javne Ustanove Centar za sport i rekreaciju Sarajevo“- ne
otvarati“**

Krajnji rok za podnošenje prijava je 15 dana od dana objavljivanja Javnog oglasa.

Neblagovremene i nepotpune prijave neće se uzeti u razmatranje.

OPĆINSKI NAČELNIK

Srđan Mandić